

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Concilio Seleusiae quae est vrbs Thraciae habito, & quae res
orthodoxis Episcopis Constantinopoli contigerunt. Cap. XXVII.

urn:nbn:de:hbz:466:1-12704

THEODOR. HISTOR.

Nam cum in illa vrbe fidei apostolicæ doctrina à sanctis p̄tribus descripta esset, & alii postea ibi congregati, contraria doctrinam describere in animo haberet, Deus, qui ecclesiis prouidere non desinit, cōcilium illud propterea prohibuit, ne ex similitudine nominis ansam Ariani arriperet ad fraudem, neue concilium illud, Nicenū quoq. appellando, simplicium animos circumuenirent.

De Concilio Seleuciae quæ est vrbs Thracie habito, & quæ res orthodoxis Episcopis Constantinopoli contigerunt. CAP. XXVII.

ALiquanto temporis spatio interiecto, Constantius ab Eudoxii accusatoribus impulsus, Seleuciæ cōciliū cōuocari mandat. Est quidem Seleucia, vrbs Isauriæ ad mare sita, quæ inter vrbes illius gentis facile primas tenet. Ad hanc vrbum Episcopos oriétis, quin etiam Ponticos & Asianos frequentes accedere iubet. Per idem tempus Acacius Césareæ, vrbis primariæ Palestinæ, Eusebio mortuo, episcopatum gessit: quem quidem Conciliū Sardicense abdicauerat, sed ille contempta tanta Episcoporū multitudine, sententiæ contra se latæ restitut. Primum autē Hierosolymorum post Macarium illum, cuius s̄epe à me facta est mentio, obtinuit Maximus: vir ob certamina pro pietate suscepit egregiè nobilitatus. Cuius & oculus dexter crux fuit, & dextri pedis flexus prorsus labefactatus. Isto ad vitam immortalem translato, Cyrillus alacris & promptus doctrinæ apostolicæ propugnator, in episcopatus gradu locatur. Isti duo, Cyrillum dico & Acacium, inter se deprimatu digladiantes, populum suarum ecclesiarum grauissimis affecerunt incommodis. Nā Acacius leui arrepta occasione, abdicavit Cyrillum, Hierosolymisque expulit. Cyrrillus autem proficiscitur Antiochiam, quam pastore orbata repperit. Inde Tarsum petens, cum Siluano, viro plane admirabili, & Ecclesiæ illius id téporis antistite, æta tem degit. Quam rem vt accepit Acacius, literas dedit ad Siluanum, eumque de Cyrrilli abdicatione certioré fecit. At Siluanus, quoniam & reuerebatur Cyrrillū, & multitudinē, quę Cyrrilli doctrinā cupidissime amplexata est, nō nihil pertimescebat, à ministerio ecclesiastico illum minime pro-

prohibuit. Vbi episcopi cōuenérūt Seleuciam, Cyrillus, cū Basilio, Eustatio, Siluano, & reliquis sit concilij particeps. Accedit etiam Acacius ad conuentum episcoporum, qui erat centū quinquaginta numero, dicitq; se nō prius cū illis de rebus in deliberationē vocatis cōmunicaturū, q̄ Cyril-lus, vtpote episcopatu abdicatus, è Concilio excluderetur. Itaque nonnulli pacis studiosi orant Cyrillū, vt è Concilio egrediatur, pollicenturq; post factā de doctrina fidei dijunctionē, de eius causa disceptatum iri. Quorum consilio cū miniime obtemperaret Cyrillus, Acacius, illis relictis, abiit: atque profectus ad Eudoxium, eum metu liberauit, animum que reddidit, propterea, quod Eudoxio promisit se tum patronum causæ suæ, tum adiutorem fore. Atque cum vertuisset illum in Concilium intrare, cum eo vnā petit Constantinopolim. Nam Constantius ab occidente reuersus, ibi tum cōmorabatur. Acacius imperatoris animū, cum conuentum Episcoporum coram imperatore accusasset, vocavitq; illum cētum perditorum hominū ad perniciem & exitium ecclesiarum collectū, magnopere ad iracundiani incendit, præcipue tamen criminibus, quæ aduersus Cyrillū contexuerat, bilē ei commouit. Nam aiebat sacram stolā ex aureis filis contextā, quā excellentissimus Imperator Constantinus ad Ecclesiā Hierosolymitanā cohonestandā Maccario illius urbis Episcopo donauerat, vt ea amictus, Sacro fanēti baptismatis ministeriū obiret, Cyrillū vendidisse, hāc quē mercatū esse quendā eorū, qui in pulpito scena cātare solent: ē induisse, inter saltandū lapsum esse, & casu obtritū interiisse. Hunc Episcopos habētes Cōcilii sociū, de rebus controuersis iudicare, & de aliorū causis disceptare aggressos. Ista arrepta occasione, qui primas in palatio obtinuerūt, persuadēt imperatori, vt nō vniuersum episcoporu[m] cētū (multitudinis enim cōsensum admodū extimescebat) sed decē primarios solū ad se cōuocaret. Atq; in istorū numero fuere Eustathi⁹, Armeni⁹, Basilius Ancyra Galati⁹, Tarsi Siluanus, & Elefusius Cyzici episcopus. Hi accedētes ad Imperatorem, obsecrabāt, vti Eudoxij blasphemia & nequitia coercerē. At Imperator doct⁹ ex aduersarię factionis sectatorib⁹, dicebat de ilis rebus primum disceptandum, quę fidem attingunt: deinde eius causam accurate cognoscendam esse.

Cum au-

THEODOR. HISTOR.

Cum autem Basilius superiore sua consuetudine confidens,
Constantium imperatorem , vtpote doctrinæ Apostolicae
insidias tendentem , liberè coargueret , Constantius iniquo
tulit animo,& Basiliū, tanquam procellæ in ecclesijs obor
tæ autorem tacere mandauit. Vbi verò Basilius dicendi finē
fecerat, Eustathius, o Imperator, inquit, quoniam placet de
rebus fidei disceptari, considera quæso, blasphemias ab Eu
doxio in vnigenitum dei filium impudenter iactatas. Ac sta
tim vt ista dixerat, formulam fidei ab Eudoxio scriptam tra
didit Imperatori, in qua præter alia multa impia verba , hæc
præterea fuere posita : Quæ dissimili ratione proferuntur,
ea sunt essentia dissimilia: At vñus deus pater ex quo omnia,
& vñus dominus Iesu Christus, per quem omnia, dissimile
habent prolationem,nimirum Ex quo, & per quem, proinde
filius patri dissimilis est. Quam fidei formulam eum recitari
iussisset Constantius, & impietate in ea comprehensa graui
ter commotus esset, percontatur ab Eudoxio, vtrum ipse illā
scripsisset. Qui extemplo negavit se eam scripsisse: nam Aeti
us, inquit, scripsit. Hic est idem ipse Aetius, quem Leontius
olim , veritus accusationem Flauiani & Diodori , abdicauit
diaconatu, quemq; Georgius, qui Alexandrinis tendebat in
sidias, & socium impie dictorum, & scelerate factorum adiu
torem habuit : qui tamen id temporis apud Eudoxium vñ
cum Eunomio etatem degit. Nam mortuo Leontio, & Eudo
xio Ecclesiæ Antiochenæ præsulatum per ambitum nacto,
redijt Aetius ab Aegypto , secumque Eunomium deduxit.
Ac cum doctrina secum consentientem reperiret Eudoxiū,
& præter impietatem, sibariticam etiam mollitiem ac deliti
as consequantem, nullum locum Antiochia sibi commodio
rem ad habitandum existimauit. Itaque simul cum Eunomio
Eudoxij toris velut clavo affixus adhærescens, vitæ modum,
qui est assentatorum proprius, studiose excolere, & modò hu
ius,modò illius consuetudine vti, ventri denique & abdomi
ni sedulò inseruire cœpit . Tum Imperator, hac re cognita,
iubet Aetium introduci. Cui ingresso illam fidei formulam
ostendit: sciscitur num ipse esset eiusmodi verborū parens.
Actius rerum, quæ geregabantur, prorsus inscius , & quosrum
eius rogatum spectaret, ignarus, ratus tamen se ex confessio
ne non parum laudis adepturum, se illorum verborum par
tem esse

rem esse dixit. Imperator igitur, immani eius impietate perspecta, confessim mittit in exilium, & ad locum quendam Phrygiæ duci iubet. Atque iste quidem ignominiam, frumentum suæ blasphemiarum accipiens, regia exturbatus est. Eustathius autem Eudoxium quoque eadem sentire affirmat. Nam Aetium eiusdem cum eo & domus, & mensé fuisse participem: & quo eius inserviret voluntati, blasphemiarum scribendæ se solum præbuisse: satisque argumenti esse eum illius formulæ perscriptæ conscientium esse, quod Aetium dixerat eius authorē fuisse. Tum Imperator, at in iudicando, inquit, non est nitidum coniecturis, sed res gestæ sunt accurate peruestigandæ. Cui Eustathius, proinde, inquit, fac Eudoxius nobis omnibus persuadeat, se non opinione cum Aetio consentire, sed formulæ ab eo scriptæ anathema indicere. Quam postulationem Imperator lubens amplexatus, ita fieri mandat. At Eudoxius tergiuersari, multas etiam querere vias, quibus postulatum illud effugeret. Vbi verò Imperatorem illud grauiter ferentem, & minantem se eum, vtpote impiæ opinionis cum Aetio participem, in exilium itidem electurum videt, suā doctrinam, quam necdum id temporis, verūm etiam postea defendebat, omnino inficiatus est. Atqui contra vrgebat, Eustathium cum suis debere verbo ὅμοιοις quia in scriptura minimè extaret, anathema denunciare. Imo verò, inquit Siluanus, voces, *Ex nihilo*, & *Creatura*, & ἐτερότοπ id est, *Alterius Substantie*, quæ neque in sacris literis repertæ sunt, neque oraculis prophetarum, neque apostolorum doctrinæ consentientes, rei ciendæ sunt, & ex omnibus diuinis conuentibus excludendæ. Cui assensit Imperator, & illos his vociibus anathema indicere iussit. Illi etsi primò cōtradicere instituerunt, postea tamen, perspecta Imperatoris ira, eas ipsas voces, quas Siluanus ipsis proposuerat, licet ægrè, penitus cœjurauit. Ac deinceps acrius instare cœperunt, ut verbum quoque ὅμοιοια anathemate damnaretur. Cæterum Siluanus ratiocinatione ritè vereque conclusa, cum illis, tum Imperatori respondit. Si deus Filius neq; ex nihilo, neque creatura, neq; ex vlla alia essentia existat, idcirco deo Patri consubstantialis est, & deus de deo, & lumen de lumine, & eandem habet cum genitore naturam. At verò quāquam ista & firma ratione

THEODOR. HISTOR.

ratione, & vera concludebat, tamē nemo eorum, qui aderāt, ei obtēperauit: imo verò factio Acaciana Eudoxianaq; contra Siluanum crebros clamores tollere, imperator etiā adeo ira exardescere cœpit, vt eū cum suis fautoribus in exilium pelle minaretur. Tū Eleusius & Siluanus cum aliis nōnullis, dicunt in eius situm potestate, suppliciū de ipsis sumere, sed pietatē sectari, vel impietatē penes se ipsos esse, & propterea nunq; patrū doctrinam prodituros. Ibi Constantius, qui corū sapiētiā, fortitudinem, & in tuenda doctrina apostolica loquendi libertatem admirari debuerat, eos eiecit ecclesijs, & alios in eorum loca substitui mandauit. Eo tépore Eudoxius sedem ecclesiæ Constatinop. per tyrannidē occupauit. Eleusio etiam episcopatu Cyzici exturbato, eius locū obtinuit Eunomius. His rebus ad hunc modū gestis, imperator per literas iubet Aetiū abdicari. Vnde ipsi Aetij impietatis confortes inducti, suæ ipsorum doctrinæ sectatorem abdicarunt: scripsieruntq; etiam ad Georgium ecclesiæ Alexádrinę Antistitem epistolā, qua quid Aetio factum esset, significarunt. Quam quidem epistolam ideo historiæ adnectam, vt eorum improbitas (quippe & fautores suæ doctrinæ, & eiusdem aduersarios eodem ferē modo tractarunt) omnium oculis manifestò subiiciatur.

Epistola Synodica contra Aetium scripta.

CAPVT XXVII.

*Exemplar Epistolæ à toto Concilio ad Georgium,
contra Aetium ipsius diaconum obnafiarum
suam blasphemiam scriptæ.*

Sanctum Concilium Constantinopoli conuocatum

Domino honoratissimo Episcopo A-

lexandriæ Georgio, S.

QVOD Aetius ob nefaria sua scripta, eaque σκανδαλωπ. i. offēdculis referta, à cōcilio cōdēnatus sit, in eo certè episcopi aliud nihil, quām quod canones Ecclesiæ postulabant, effecerūt. Nā primum abdicatus est diaconatu, deinde ecclesia exclusus: postremò hortationes adhibitæ, ne quisq; sceleratas eius legeret epistolas, sed ab oībus propterea abiijcerentur, quod inanitatis nōnnihil & dāni complexe, sunt. His accedit, quod illi, & iis qui in eadem opinione ac senten-